

青山集卷第十二

當塗郭

祥正字功父

五字古詩三十一首

同蔡持正長官觀齊景舊虞部家藏遠  
祖成公監脩國史誥

稟稟齊成業得之權公碑逢時初多難退密安庭闈  
深懷經綸策起佐虎羆師省郎拜侍御出賑關中飢  
俄登諫諍列忤旨領一麾徐遷河南府法令嚴張施  
宿奸即誅殄和氣回霜威德宗治勤勞器公達精微  
付之元化柄庶績幾純熙兼職在國史直筆信不疑

皇皇君臣際忠孝世所推宜其源流長千載尚弗遺  
於今見遠孫大雅敦形儀銀章佩縣印白玉涵山輝  
丈人與先翁登科實同時先卿與先子皆祥符八年進士相逢講餘烈  
語訖及祖基家傳唐相誥緜襲常親携芳焚香俾一讀  
令我增嘆嘻壘文儼如新是亦權公詞顧鄭崔許輩  
其名各親題邈然想高風拂拂雲霧披芬芳一何遠  
陰德未少墮幾經兵火餘定有神物持不落他人家  
後嗣賢可知請令妙絕手模將刻瑤琪傳之固無窮  
永作來孫規

觀柳殿丞家藏竹栢圖

君實名卿孫妙畫篋所聚壁間四幅圖收盡蒼洲趣  
瘦栢盤大石雪霜迥不懼舉斧揮棟材未辨在縑素  
離披老竹梢直裂見枯處鳳凰欲來巢俯視猶屢顧  
壯觀殊未已白日去還暮愁懷起窓壁注目亂煙霧  
煩君燈燭張免我顏色沮迺知頃刻意直有千載寓  
李公擇學士出示胡九齡歸牧圖

橫披五赤素中有萬疊山山下千丈溪恍疑瀉瀉瀉  
西風偃古木慘淡秋色頑蓼紅菱荇碧缺岸如破環  
小舟半閣沙茅屋深無關三牛行噬草一犢隨母還  
牧兒掣牛鼻望家喜生顏欲知田家樂此趣何由攀

而况盡手妙意思能餘閑遠出物象外不在粉墨間  
臨之發孤興飄忽辭塵寰

謝許棲默道士手寫黃庭經見寄

與君有前期共爲名山樂十宿太上家近同遊潛山也百骸失  
塵縛夜半瞻星辰離離半空閣香氲結蓋網華燈煥  
朱堊金鐘擊清霜遠響蒼玄壑太霞無別境洞章自  
酬酢君雖潛賤貧志意在寥廓暫爲處群鷄曾是橫  
空鶴一別幾何時又見圓蟾落長鬚俄及門金石重  
然諾手寫黃庭經寄我辟邪惡我方閉妨結空屋隱  
几効南郭爲君興一讀玉液瀉河洛何當結長遊相

伴趨恬寞

蔣穎叔招遊琅琊以馬病不赴

一別隔千里夢寐期追尋聞君宿瑯琊浩氣酬雲林  
雪霽望明月山光如縷金天高歸鳥盡海凍諸峯沉  
騎鯨人已去玉溜揚清音君當繼絕唱老鳳霜梧吟  
釋彼猿鶴怨解此塵分襟驚馬鞭不行空負希驥心  
與柳丞夜話廬山

君家廬山下我昔廬山遊蕪陰偶會合共憶林泉幽  
山脚仙佛居寶閣連瓊樓客子多所至未足勤吾求  
最愛山北岡鳥道通巖陬其初惠遠輩遺芳至今留

鬼我定心石欲脫如簪抽下視千仞溪半空五雲浮  
石門扼危磴天瀑垂還收微風仙籟奏靈草香氣柔  
龍吟萬壑響桂子落三秋安栖雖未能歷覽稍已周  
一別幾三年萬事何悠悠日月隨轉目霜雪易滿頭  
飢將無稻糧寒亦乏衣裘雖非聖賢耻自起妻兒羞  
慨欲携耒犁爲君耕舊立經年飽蔬粟吾道從休休

蔣穎叔席上

春風歸未歸白日一何速偶陪御史駢逶迤傍林麓  
名花結深洞繁枝綴寒玉踈青愛老栢壯節詠孤竹  
諸君皆俊賢笑傲失羈束何生家最窮昨日旋棗栗  
尚能邀我飲盤饌逮張燭今夕寧須辭醅酌固所欲  
醉則騎馬歸官長定不辱酒行姑徐之聊用講心曲

自適

積憂避紛謗杜門甘賤貧破屋敗風雨荒蹊絕車輪  
幸無塵坐集靜與鳧鴈隣吾年半已過空花春餘春  
往來猶康莊安用煩距訢念此良自適浩歌洗憂屯

溪上閑居三首

溪頭守窮屋白晝晝常靜卧唯聞鳥雀喧豈有車馬過  
苔泐土階綠風尖紙牕破遺編對古人千載默相和  
愛此城南靜窮年守茅舍無能聊自安有智必趨詐



紅蕖笑池面白鷺鷥時時下呼兒補疎籬選吉得天赦  
衡茅頗幽獨物景資所好脩篁清風來遠渚曉煙冒  
才短難趁時囊空不憂盜靜几無纖塵焚香讀真誥

倚樓

官閑何所之倚樓縱遠目田疇未耜出高下春雨足  
人家有生意慰我苦幽獨憶昨水泠餘海氣蕩坤軸  
蛟龍坼川原舟楫造谿谷禾麻安更論未能保骨肉  
有子殺爲食何以厚風俗上賴天子聖詔書勤撫育  
雖使發倉廩飽歲實無畜郡縣徒蒼黃論丁具糟粥  
所救無幾何往往委溝瀆今茲氣候正逋民稍來復

楚風重祠廟纔歸競巫祝此物豈有靈焉能助豐熟  
渺思濟時策慎擇良宰牧金繒斤誅求教化行比屋  
祖宗德澤深萬歲長沐浴題詩起高興飄然跨鴻鵠

與內飲有贈

甕中有濁酒畦中多美蔬呼童取大網更向溪中漁  
鱖鱖得鮮鱗斫膾選肥鱸君生不能織我生不能鋤  
兒孫無白丁生理已有餘陶然共一醉隙間馳白駒  
倏忽各已死體化委蟲蛆

送湖南運判蔡如晦赴闕

鷗飛不在泥決有青雲趣鳳凰不妄出恐爲時所誤

栢栢南都賢幸遭明主顧垂紳正手板磊落奏治具  
源流出無窮曾瞻豁以露帝曰卿良哉予僚汝之父  
果見麒麟兒騰驤蹈前步擢為東宮允往漕八州賦  
予將觀爾能慎勿憚細故竭來重湖南君恩密宣布  
拔才惟俊明逐吏皆狡蠹朝廷方更化免役出金助  
深沉詳施為委曲善告諭有司絕誅求比屋樂農務  
貧富一以均歌頌喧道路七月新書成入奏馳駿馭  
君來萬家春君去秋色暮清湘似君心偏使醜影懼  
何時到金闕顯用期必遇成法無瑕玷後効有程度  
皇皇太上聖赫赫師尹輔大業日愈新虛懷未嘗厭

諫垣將峻陟使節豈還付却憶仁祖朝天下復庠序  
南都最為盛萬里英材聚嚴嚴高平公明堂真棟柱  
尚書繼踵來兩獻仲舒疏君家有大阮斂縮未騰翥  
名聲晚乃達霖雨今仍霑信哉顏淵氏必用孔子鑄  
邦家不乏才社稷永盤固伊予亦何人不異置中兔  
時命適大謬與物竟多迂卑棲邵陵幕竊祿飽嬰孺  
不才甘委置朽木費吹噓一朝逢知己拔茅與連茹  
翻思刷羽翰翩翩厠鴛鴦不然棄已歸築室幽閑處  
吐納元和津萬事不掛慮韓子亦嘗云豈肯居沮洳

湘西四絕堂再送蔡如晦

用韓退之游湘西韻

長城截湘江盤盤據天險承平逾百年民富德澤漸  
層居出雲漢門戶富翠琰尤愛湘西山佛寺金碧儼  
引泉甃深池因崖起危广長松爭巖峩衆木就退斂  
遠思秦漢間疑此藏玉檢盤石可徑卧苔髮滑勝簞  
方塘纔俯窺引手取蓮芡四絕校重輕歐沈信已忝  
卓然韓杜詩光焰不可掩大羹味全醇美玉滅瑕點  
峭若蓬萊峯夜浪豈憂颶又如上帝錄默誦破群魘  
惟驚落俗口一讀一遭貶知音希世逢誰謂此言諂  
窮竒須竟歡憂來熱五臉不得陪俊遊自知冗官玷  
論情既霄壤咫尺隔秦陝不爲謝安後應慕楊綰儉

賡酬繼前唱巖壁俟鐫刻去爲經世霖慰此楚封歎  
離盃空酣酣離恨猶冉冉鳴洞庭闊霜雪鬢毛染  
行矣無淹留路轉雙旌睽

嘗讀大易辭可止戒遇險麓山俯城郭盤盤進以漸  
重岡如連環斗起若圭琰佛宮敞金碧儒舍陋茅厂  
脩篁萬兵肅老栢壯士儼獨鶴時一鳴衆鳥歸翼斂  
蘭風新麝裂芟雨真珠颺虛堂群動寂冠纓墮枕簟  
頽然委支體清夢竟無魘引阮酌醇醑激齒碎圓芡  
載歌少陵篇一重復一掩桃源歸路隔回首驚俗檢  
不唯縱逍遙且喜遠邪諂清湘稚子浴其樂吾與點

况聞長老言了悟生理忝心如碧蓮花忍使紅塵染  
 又愛御史碑白玉不可玷能忘遷謫憂直筆正褒貶  
蘇頌叔自御史府謫道州遊岳麓山道林寺之四絕於是為文進歐陽詢書道林寺碑退裴休書詩版進韓退之詩退宋之問詩 清曠  
 終何為名迹謾鐫刻吾君方更化凡百務節儉楚封  
 勞賢侯重地比二陝施為若霖雨一飽蒼生歎新法  
 持以歸戀山休荏苒想當奏御時和氣動舜臉拜恩  
 明光殿日射霄金殿

高鴻送唐彥範司勳移蘇守 公云自此乞分務矣

高鴻方冥飛萬里不回首况當秋杪時霜露濕星斗  
 鼓翼無何鄉永避網羅咎君子重出處此義安可負

嶷嶷潭府公清譽比瓊玖節制臨八州時命非不偶  
 胡為請分務念念在林藪切嘗聽公言三朝祿食以  
 四十有五年數為漕與守慎事無纖瑕收身養吾壽  
 兒孫皆賞延君恩誠已厚朝廷新法度利害喧眾口  
 紛馳使者車必行無可否嗟予力已疲何以為父母  
 不待老有請連章至八九君相惜其才符竹今仍剖  
 蘇臺古名邦震澤當戶牖拜恩臣豈邀客賀但揮手  
 便道將徑歸辭疾上印綬家園瞰西湖雲月是隣友  
 備然一榻外長物復何有隱几悟僧禪顏形若陵阜  
 不學陶朱公反為利端誘不學陶淵明區區愛琴酒



文王如搜賢肯棄渭川叟行已無固必資深逢左右  
重來作霖雨一洗蒼生垢信哉孟軻氏和任著伊柳  
獨善名易滅兼濟垂不朽噫嘻高鴻篇在理或可取

送宋景瞻祕校赴選

我欲渡湖湘君乃赴京闕官期安可常念此千里別  
人生幾何時倏忽變華髮難成唯功名易往嗟日月  
在貴勿外矜抱窮豈中熱顧彼四老人未嘗事干謁  
一朝扶太子千載名不滅安之命與時爲君頗詳說  
西風吹月華冷靜若冰雪何處望鄉關鄉關此時節

送鄭說道太博監內法酒庫

故人京洛來共話十年別朱顏雖未彫頗有鬢間雪  
夫君起文學今乃官麴蘖雖云屈雄才猶喜待金闕  
朝政今更新百執勇施設願言慎所職法釀務精潔  
上方祭祀餘一飲茲以悅雲霄即橫飛勉勉著勳烈  
行將駕鷲群何暇笑跛鼈跛鼈亦自知中心冷如鐵

寄別朱復之郎中

我昔發溪口君來具華筵燭光射酒色四座凝春煙  
飲闌贈嘉唱響韻勝彈弦聞君今解印念我簿書學  
不及姑溪流會隨千丈船君才世無雙君名天下傳  
五十試一州治術如潁川上方急政務下詔稽漢宣

誰能薦此人惟賢乃知賢  
聯聯范文正道德諸公先  
辟君登幕府師友金石堅  
大匠忽云逝美璞疇敢鐫  
古來出林秀多爲風雨纏  
明主往自結獻書玉墀前  
功名期特達况當未衰年

留別受禪師

長沙多禪翁受也予所慕  
清猶玉潭冰不著纖垢汙  
堅如歲寒栢不入螻蟻蠹  
一聽玄談玄銀潢自天注  
源流何其長湧絕曹溪路  
請陳會面初赤白照窓戶  
短鞭驅瘦馬一蹶復一步  
北趨林下門解榻欣我遇  
圓瓜剖青瑤激齒寒漿聚  
楮筇拈古語法樂過韶護

廓然外生死頭角白牛露  
師云三百年儒者莫爾悟  
自茲往游數道合忘細故  
倏忽捧邊檄校穴首招諭  
微功有司奏一命金闕赴  
扁舟泊沙尾行色業已具  
惆悵難再留何以慰心素  
日月若馳駛報體孰堅固  
願期圓照中生生迭相度  
回首欲無言月上瀟湘渡

送寶覺大師懷義還湖南

雲收嶽麓靜月渡湘水明  
獨鶴唳空谷哀笳奏重城  
巾履塵空遠懷抱冰霜清  
云何別彼土忽作中州行  
中州七八載浪得丹青名  
歸心故歲發白鬢新年生  
客帆欣所託何時經洞庭  
逸筆寫秋色煙嵐吹素屏

懇懃遠相寄萬里鴻冥冥

送僧白

我有高世想喜逢高世人談詩何所極元化浩無垠  
物象不得晦丹青亦通神逃名出京洛寓迹遺埃塵  
錫飛天柱月杯泛洞庭春問我別來久請吟佳句新  
便欲結幽社靜栖還本真陶潛須一醉寧起遠公嗔

送僧璉

釋從白雲來衣上白雲濕借問來何勤道師碑未立  
文言予豈能孝節爾誰及却返舊山中猿啼暮風急

送吳景山宮教供職

先生辭太學得邑治陽羨仁義稍施設澆浮遂不變  
訟庭寂無事案几閑筆硯青山落樽酒白鳥聚畦甸  
長橋跨空碧溪光拖晴練追隨斬蛟處想象昔人見  
高吟壯魂魄老句掣驚馬電休焉聊自放性理還吾善  
忽聞新天子下詔羅俊彥教由宗族先六經咨講辨  
先生應詔起肝膽露萬卷制度惟日新漸磨豈聞倦  
長苗忌速堰良金務多鍊杳杳青雲衢闊步從茲踐  
朝登諸王府暮侍金鑾殿勿興山水思固有夔夔願  
寄聲陽羨人棠陰有餘戀

送周冰主簿

東風不肯住發盡梅花白又着柳梢黃搖搖向行客  
客行無時休何以銷客憂今古一樽酒酩酊江上樓  
黃鵠飛青雲誤隨秋鴈群網羅千萬里涇渭欲誰分  
詩思陽春發平湖望明月若遇北歸人芳音無我絕

送錢公瑾長官

群山凌皓雪脩途無點塵寒梅數枝發持送北歸人  
人歸向瑤闕頭角屈以伸十年困塵滓一旦乘風雲  
大用多晚年請看釣渭濱又如四公子長揖取名勲  
其餘瑣細輩爲君何足陳我忝交君印俛顏愧斯民  
疲駑追逸驥澆漓雜醲醇物理有屯泰賢愚固難倫

感君重然諾西郊待歸輪非君肯卑屈誰復許相親

送陶秀才二首

我愛陶淵明隱不群異學今朝識其孫璨璨真玉璞  
森然家風在辯說傾電雹江頭偶逢我笑我何齷齪  
恨不從君去高飛同飲啄顧此翅翎短豈能超五嶽  
我止愁復愁君行樂其樂

江天九旬雨江路三丈泥扶家遂遠適羸馬正難騎  
傳舍野煙中子規連夜啼鄉園歸得到應已血沾衣

送朱伯原祕校

泠泠皖溪水悠悠天柱雲雲行水光動水洗雲影分



幽人坐卧吟孤絕，迥出群資被雲水。秀釋此塵垢，紛  
胡為條言別扁舟。連夜發往登姑蘇臺，而望太湖月。  
却尋史遷迹，但見蒼煙滅。覽古竟論今，治具校工拙。  
有才不得施，著書貽後世。何必費黃金，自身千載貴。  
鱸魚秋正熟，雲泉味尤美。若逢吳市門，更訪長生理。

同蔣穎叔遊丁山彰教寺

北風方苦寒，冰霜晝未消。偶傾御史蓋，同上丁山椒。  
空崖白雲宿，拱木獼猴跳。碑斲龜腹裂，泉活龍尾搖。  
枯松起幽籟，中天奏雲韶。苔深鷓髮翠，石立壯士翹。  
荒墳瘞參軍，沉魄誰與招。却讀樂安詞，慘淡窺沈寥。

孫參軍漢墳在山下  
希魯侍郎有辭吊之

豸冠竄迹投冗寮，公議在後世。美才無吝驕，六經收  
滿腹。辨析皆有條，登山聽君語。淙淙碎瓊瑤，但驚白  
日落。歸馭不可邀，明發余亦往。安得同漁樵。

青山集卷第十二

青山集卷第十三

當塗郭

祥正字功父

五字古詩三十首

招蔣穎叔遊丁山彰教寺

開心樂名山景象恣吟剽昭亭西南隅亂峯最青峭  
盤盤得脩徑豁豁漸明眺一讀道傍碑古興資雅要  
知有金僊家即往不俟召平田轉回塘飛瓦接危嶠  
東邊卧石虎徐王舊墳北但驚蒼苔蘚晦不見金碧燿  
圖形半殘缺冷榻孤燈照深篁歸鳥没空巖雪風叫  
勅書刊翠琰靈迹護獵燒寒潭多蟄鱗佛子忌漁釣

動活各遂性蕃衍理可校餘輝初月散幽籟發玄竅  
中有無心人禪禪自相紹問年逾耳順膚色尚如少  
翻令念達人鴻濛首頻掉時平冠珮繁往往屬不肖  
豈如棄以歸林泉自投跳卓彼蔣夫子詩辭極精妙  
能來同我遊險絕共長笑終當為君誦古律變新調  
更評江南事僭迹又足悼不能降真人卒用焚祖廟  
訓狐啼老木愁煙起荒藿復有貳卿碑曾為叅軍吊  
勇為手勢吟一助玉瓶醕

同蔣穎叔殿院遊昭亭山廣教寺

晴光散餘翳佳辰值清和聯車不辭遠共登昭亭阿

步夷愜蒼石緣險捫脩蘿迥出白雲上俯瞰飛鳥過  
凌霄挿危觀裂地注明河微風解蘭芷廣陂浴鳧鵝  
潭潭紫華君左右森矛戈雷電在呼吸玉幣薦牲犧  
廟食溢千載祐民理無訛崔碑夢協吉謝守詩載歌  
却憇林下寺裴顏迹尤多丹青業已晦長驕但皤皤  
筆畫肖家法燕尾無偏頗覽古發遐想緣情還獨哦  
逢時不榮達憔悴同苦蕞嗒焉姑自喪安之如命何  
彼美蔣御史道術追雄軻眇予委泥涸有意傾餘波  
薦士古來重拔茅今則那書為昭亭篇昭亭崖可磨

同許棲默遊華陽洞

春歸白晝永庭虛民事退尋幽何所之佳賓幸同載  
出門十餘里仙者遺蹤在非實固難評洞壑第可愛  
綠蘿垂長簾祕景得藏晦造深揭葦火陟險汗漸平  
背中寬稍可休仰視覆圓蓋石乳忘歲年物象千萬  
態龍泓泔澄碧溢溜漸飛灑陰森毛骨寒志往力殊  
急磨崖記名姓斯游定難再人生足離合世役異屯  
泰清風起林杪蕭瑟動天籟歸與亦何求盈筐採蘭艾  
同劉繼鄴秀才遊嶽麓登法華臺呈如水

長老

南出長沙城西渡瀟湘水誰鋪碧鮫綃迥透黃金底

中分橘直洲隱若鰲背起府邑古稱雄地勢信少比  
苟非仁義圖疇將甲兵洗曉色煙霧開人家明鏡裏  
斯須捨舟楫縱步踏蘭芷遙遙望松門物象愈竒偉  
枝葉旣不繁霜雪詎能毀傳云陶將軍屯營手植此  
至今凌雲氣猶如大君子纔過清風峽路轉不容跬  
塵寰自此隔佛界朗瞻跂層梯上重門繪塑光煒煒  
皓鶴去無蹤寒泉但清泚遂登法華臺平目瞰千里  
返驚人世卑塹壁徒爲耳連薨十萬戶羅列在按几  
想當韓杜時荆榛晦遺址不見湘西篇唯誇道林美  
幸同劉子來縱眎眼不眯作詩君勿謙前輩尚可擬



揮筆方爭豪求心翻自鄙請看梁上題半是泉中鬼  
白髮纏利名何由外生死道師深悟禪軟語聽豐豐  
明驅三乘車濟我岸超彼臺名將謂何此喻有深理  
香色存天然了不染泥滓救物運真悲得法終日喜

遊雲蓋寺

名山寺多占此寺山尤名妙雲鎮彌覆層層結縵纓  
日光晝微開燦射黃金城木老枝葉簡水長音韻清  
五峯如紺蓮中有樓殿橫是必龍華宮禪禪悟無生  
一燈破群暗衆燈迭相明紛空素葩墜悲晚孤猿驚  
予方困遭途寓宿骨已輕願言永棲此讀盡寶藏經

顧盼適所適了絕外物營馬秣僕亦飯柰何催北征

遊鹿苑寺

遊遍湘西山晚至鹿苑寺平岡列城郭長松肖兵衛  
入門尤清涼讀碑辨往事乃知阿育王曾此藏舍利  
浮屠當殿陰令人竦瞻眎寶網敷金雲倏忽變蒼翠  
僧云秋杪時月靜甘露墜大覺去無蹤山祇自靈異  
白鹿不我逢殘花在巖際居者多壽老安禪信無累  
筇衲爲生涯心不墮情僞源源聽法語陶陶襲和氣  
簪紳胡爲平頂踵縛憂愧願從彼上人預聞第一義  
煩心沃醍醐頓悟超十地聊爲鹿苑吟清夢不成寐

遊華陽洞阻雨

此洞昔無聞人跡固稀到一昨紫微遊刻石記所好  
遂令天下知遊者爭欲造我方佩縣印事閑慕高蹈  
聯鑣二三子並堅松栢操樽罍薄携持丁壯却前導  
行行逼崖巔繫翠射襟帽方疑攀鬱蘿又若堆海潦  
石門未及窺忽值山雨暴風雲暗衢路雷電折巖嶠  
蒼黃僕夫語勇躍猿猱叫黃泥濡衣裳安得白日照  
初遊成歡愉中險觸憤懊佛舍距幾何望望目睛眊  
擊鐙促疲馬十步九歇倒登堂亟就榻釋子數相勞  
尋幽尚齟齬處世信難料暫眠稍蘇息起坐復悲嘯

寧非山鬼護不使俗客眺栢栢翠琰文愈讀愈精妙  
名由今日新跡入萬古耀騏驥步莫追駑駘志彌劬  
猶期六月來散髮避炎燎一雨終阻絕何以爲壯少

歸歟歌燕詞聊用起同調

介甫先生遊茲洞始作  
記文易花陽爲華陽焉

夏日遊環碧亭

登山得斯亭佳賓幸過從取筭蒼玉林置酒黃金鍾  
願言壽而康泰運寧易逢孔子孟陟三事堯舜乘六龍  
民財皆辦柝田壤仍登豐關關禽聲和剪剪木影濃  
濯足就綠水披衣攬清風微吟百憂散達道千古同  
諸君况才豪如罷復如能莫辭爛醉歸皓月還生東

和穎叔丁山黯字

寒日少晶光山色亦慘慘瀑泉凍不飛啼鳥聲頓減  
傳呼繡衣來僧鼓擊坎坎石坐無氊網團團織蒲蔕  
比爲泉石遊固已慕清淡愛君神采瑩皎若白玉鑑  
一登林際亭毫髮無遺瞰勇起發孤唱四坐噤莫闕  
君辭如大羹我語効鹽鹹卷旗促降敵賢將釋不斬  
雖生已包羞鉞刀竟誰斲却讀道傍碑往事增新感  
功名能幾何回首歲時暫胡爲奪浩氣百憂煎一膽  
趨時旣速遠獨往固勇敢白雲無人爭皓月從我攬  
開樽直一醉莫驚別袖搥明發何所思龍斷坐汲黯

和梅謙叔丁山吃字

臘月衣未綿兩股凍成疾誰復爲我扶平步時時蹶  
文章那更論精魄恐墜失緣何御史君相招傍寒日  
迤邐造林泉塵坐爲披拂霓幡雲外垂石虎草間出  
深門窺沈寥拱木遞蕭瑟丹青與老碑遺事知髣髴  
僭迹已榛蕪新遊論膠漆主人才何如驥足千里逸  
梅君南昌後襟韻猶凜凜劉子亦可竒彖象久精詰  
顧予最空疎昔辨今已吃謗言來文矛自量幾不密  
終甘首陽餓豈効操瓢乞

酬穎叔見寄

鏗鏘南華經語意妙復妙高能出倉夏卑不厭蒸藿  
陰靜偶暫處影迹兩莫吊息踵真人徒息味愚者紹  
方同造物言萬變領樞要既能無怛化勿鑿混沌竅  
百家拾其餘所得乃遺溺至音聽以氣世或昧此調  
不見杏壇講猶爲漁父誚君看泰山頂半夜日先照  
惟逢蔣穎叔沉默造玄交落筆逾萬言嚴密若誥詔  
嗟予久聾瘖此道雅未剽一昨聞君談神悟百骸瘳  
人忘道術遊魚忘江海跳昭亭果見期爲子發長嘯

秋水閣席上呈穎叔原道

我愛秋水閣水影照采椽瑩碧石不知極定與銀漢連

荷花十丈開白藕想如舩雙鶴時一鳴寒霄下迴旋  
况復對羽客豈異蓬萊仙便當沽玉液猛飲明月前  
人生不嗜此何物能逃年請君傾醉耳松風奏薰絃  
身世能兩忘安用養浩然夢覺事已殊此道誰能全  
驅馳冠劍徒百歲猶倒懸深深下於地冥冥高出天  
君語達已達吾歌玄復玄大笑問劉子細窮秋水源  
秋水源可到更寄琳琅篇

酬耿天隲見寄

追惟平昔遊十幾喪六七與君雖尚在蹉跎各衰疾  
功名無幾何歲月忽已失年來辱新詩欲和久閣筆



文章老愈精光彩爛星日市門果神仙叅軍真俊逸  
又如闕沙漠鐵騎萬餘匹一戰孰與當百勝得深術  
有過懼不聞遇惡志所嫉言歸潔其身天命能自詰  
知音我愈寡深谷詎敢出君作歸潔堂遂有退居之計而勸予出就仕相望止  
一江高議容接膝請觀商山皓寧終守蓬華衆人拉  
其華君子俟其實定當卜隣去携手藏於密

酬李公擇謝予贈范李猿獐

黃麀雄領雌青猿母抱子一落罝網中城市就生死  
不如圖畫上山深石泉美永無罝網憂精神自全耳  
愛之寫橫軸容易披按几動靜適自感物我忘表裏

猶疑跳擲去毫端詎能止易生名獨擅斯人嗟往矣  
後來稱李范贈君君勿鄙縱令筆未妙猶勝負塗豕

同陳公彥推官登峨嵋亭

新亭彼誰構名因翰林揭惟南極空曠朗詠佳興發  
傾蓋忘形骸輒莫嘆華髮歸帆天外低渡鳥雲端沒  
中原崢嶸際天塹限楚越寧知承平來但見山花歇  
君相方聖賢胡爲念京闕且窮林泉樂躡屐上嶠崿  
酒量孰先降樽壘未云竭欲尋太白墳草間迷斷碣  
神交無古今清氣來飄忽征轡還催人東峯掛寒月  
穎叔見招赴何秀才家飲

鞭驢赴君招十步九蹶促相逢即忘勞深圍坐重褥况  
疑出塵寰氣象豁雙目名花散天香仙露滉柔玉寄  
樂方寸間豈必待華屋脫屣遠市朝散髮免羈束更  
聞誦新作字字芝蘭馥堆盤櫻實紅滿竿撥醅淶  
幽歡未言歸酒令不須督平時嘗卷舌動靜畏險俗  
玄談今盡傾我難慙君欲朝聞夕可死悟矣無遲速  
感君傾醞酬洒我久飢腹又如旱田禾沛然甘雨沃  
主人意慇懃呼兒具燈燭誰家有斯客貫衣心亦足  
明朝得長篇調險不可續

和公擇觀李煜書法喜禪師牌

五代迭凋喪江南最偷安三世弄翰墨煜扎尤可觀  
禪林榜法喜妙勢如飛鸞塵埃一藏晦皴斲羽翰  
幸逢集仙守好古將模刊振襟自披拂塗飾粉與丹  
呼僧辨遺像髣髴存纖紈作詩究本末風雨生豪端  
精神還故物霹靂驚蟄蟠幽光亦煥發令我復長嘆  
念彼士君子窮年抱飢寒不及竒古蹤泯默知遇難

和樊希韓解元

君馬一足病瑣瑣阻行邁况復梅雨天坐卧不能快  
空山無大癯何以具君噉墻根採肥杞湖濬買鮮魷  
開樽薦濁酒高論幸忘憊寸心拔茅塞兩耳技雙贖

文醇潛大和詩險露幽怪聯吟極物象君勝我屢敗  
東野久龍鍾多慙退之拜竒才必自重雖黜愈勿懈  
卞璧未遇時在璞豈能壞鑒賞一日逢青紫信如芥  
君行且遲留馬病願未差貫衣亦何辭庶用接嘉話  
和公擇遊壽聖院啜茶題名  
史君尚清淨携客無盃肴茗酌披佛經塵緣頓沉拋  
踈雲墮簷簷際微風汎林梢吾心已皎皎吾學豈澆澆  
濡毫題姓名識此逍遙交

和法宗上人月下懷故人

山沉江海闊月行天中央遊子宿何許只應歸夢長

浮雲且莫生星河助餘光徘徊問孤影惆悵安可忘

酬耿天隲見寄

我思昔人言處世猶大夢塵編堆床頭撫事聊一誦  
興衰繫時運賈誼爾何慟又思東方朔爲鼠知不用  
誰憐騰下兒能領百萬衆勢去競排詆功成乃歌頌  
人情豈相遙此理古今共栢栢耿夫子策射金榜中  
老彼澗底松未作明堂棟暫來今句曲尋仙造深洞  
摩挲瑤琪花借問誰所種開落旣忘年一奏薰風弄  
詩言此歸隱不戀五斗俸何時定掛冠我願爲僕從

和韓求仁推官

終日汨城市開心眷犁鋤故登原上亭解此塵中裾  
芬香采薇蔽馴狎憐麋狙却願物理變四角生我車

樊山

即孫權郊壇祀天之處壇今尚存而謝朓詩云樊山廣開宴也

漢室火符熄群雄起縱橫兩京蕩為墟萬里無農耕  
曹操劫神器欲竊禪讓名吳蜀耻北面鼎峙方戰爭  
殺人如鱸魚天地厭血腥至今武昌邑尚傳吳主城  
長江吞八極圓壇窺杳冥想當禋郊時志勇掃撓搶  
燔柴封玉牒冠弁羅公卿登山錫宴喜日光爛旗旌  
寧知後嗣弱壯業竟無成空餘舊基址千載未歆傾  
常時屢掩卷每讀涕泗盈而况泊舟楫披榛自經行

霸圖何所見芳草與雲平晚浪淙石脚猶疑兵甲聲

觀怡亭序銘

有唐三百年絕出陽冰篆最憐怡亭序筆畫兼衆善  
磨崖深雲間人跡到應鮮亦如大君子隱晦久而顯  
裂素印麝煤字字未訛舛冰凍垂瓦口犀尖利刀割  
連環不可解虬尾勇自卷誰云模以刻曾是玉工碾  
銘辭志尤宏雲翼待風展琳琅諧八音雅重叅二典  
英豪逢一時江山供廣宴遺蹤逐飛鳥舊址沒榛蕪  
良朋信稀遇古興浩難遣吾宋垂百年教化固非淺  
人人擅文翰比唐殊媚軟作詩聊自警中道尚可勉



殊亭

元次山為武昌令馬向才殊行殊正殊亭殊而名之吳子恭云元碑近為俗令碎之矣

昔人才行殊亭名至今在何年復基構勢壓鯨敖龜背  
中間鄙俗令元碑遭睚眦豺狼爾何營龜螭手親碎  
甚哉憎疾心曾不校異代我將掇其餘補刻尚可再  
仰瞻天宇寬俯眎江流大危危一葉舟故欲萬里邁  
差池想遺風雲山有殊態

怡亭

裴虬作銘李莒八分陽冰篆序存焉

英才欣會遇曠懷各無瑕二李妙分篆裴銘語允嘉  
盤盤虬奮鱗灼灼月吐華天影望不盡鴈行飛屢斜  
晴雲依晚岫芳草接平沙東溟與西塞吾寧辨渚涯

石門

唐令尹馬向嘗與次山醉于石門之下石刻存焉

雙崖屹然起剔蘚認題識乃知賢令尹曾同漫叟醉  
落景正西盡長川自東逝唯此兩石門不開亦不閉

郎官湖

即李白以張謂愛湖而名之

張公昔愛湖湖名自公始寥寥三百年逢秋愈清泚  
移舫菱苳行香游魚數頰尾回望武昌郭樓臺碧天裏  
石照瀉靈光湖波皓如洗此景絕世無愛之心不已  
緬懷昔賢期林表清風起終當歸結網來此養衰鄙

峯頂

登山不辭險探景須窮幽行徹五千仞回首視九州

人寰莽何處大野蒼煙浮更酌天池泉古意空悠悠

醉石

裂嶂飛寒澗絕辟散明珠盤石偃中塢脩林陰翳敷  
世道紛莫救逸人此提壺一酌寄乾坤回首忘車書  
山花謾相笑山鳥徒相呼更逢山月來夜響眞笙竽  
粹靈陶耳目幽獨寧賢愚留蹤千載間遊子空踟躕  
清風起木末餘涼生坐隅浩歌歸去來逸韻凌遙虛

青山集卷第十三

青山集卷第十四

當塗郭

祥正字功父

五字古詩三十首

洞庭阻風

用韓退之韻

南風吹炎蒸歲望固已休怒濤掀洞庭信宿留歸舟  
沙場萬馬放大壑群龍投陰靈孰爾職曾無與天謀  
崩山作深潭深潭變高丘上天有號令豈汝可自由  
朝蠅徒啞啞暮蚊况啾啾歸興邈以阻觸緒增新愁  
安得跨白鹿山行肆悠悠誰能守荒浦泛險終何求

濡湏山頭亭子

孤亭壓危峯絕景入平眺雙崖控巢水禹力萬古耀  
林傾軋象闢濤淙地軸掉茅茨數椽屋噫哉魏武廟  
心殊歧山伯跡異甘棠召荒戎傳遺靈血食豈亡誚  
吞吳勢雖壯晉起國旋剽樓舡戰士去滄浪盡漁釣  
平時欲何爲覽古謾長笑愁煙起孤壑白鳥聚殘照  
誰令五月來不見萬山燒又復想大雪下上玉巖嶠  
重遊莫能期將歸且停撓詩辭搜亦苦物狀竟難肖  
終篇寫亭壁翻慙畫師妙

謁桐鄉張府君廟

桐鄉富山水此地最深秀諸峯合屏圍二岡屹龍鬪

谷暖禽語滑岸束溪聲走老木如巨賢森衛備前後  
神功金刻存廟古何年構衣冠近唐人名字嗟莫究  
憫旱鞭怒蛟深潭此身仆明誠動蒼天雷雨洗白晝  
至今福斯民血食固宜厚予生本屯賤竊位憂致寇  
約身旣多缺何以撫耆舊况瞻賢達迹彼羨松柏茂  
芳醪薦樽爵馨蔬實籩豆悠悠神之思餘光破昏愁  
歸歟歌蕪辭聊用荅靈祐

大風

一鳥忽驚鳴衆鳥高下噪飄風自南至汹汹結陰瀑  
頃臯江濤翻石裂巨木倒木麻安更論畦隴漭若掃

蒼天本好仁孰使風伯譏有叟重咨嗟吾年行已老  
此風未嘗見神理所誠告我因諭彼儂天地廣覆盡  
噫氣亦偶然何必泥應報掉頭不我顧植杖復悲悼

蘭陵請雨

夜半何所適請雨之名山蘭陵古仙府妙迹殊可攀  
秘文呼螭龍舒鴈薦層壇屏氣注誠想百靈啓玄關  
綠章封事奏金闕承恩還林風生冷冷澗溜添潺潺  
遙峯靄冥霧倏歛迷區寰殷雷無猛威激雨增微瀾  
寧獨濡枯焦永願消塵煩

觀雨

不雨九十日火氣流郊郭空山渴虎兕涸泥困龍魚  
農事固騷屑令人但長吁渺思真宰意反覆竟何如  
去歲百川溢田園變江湖南民遂乏食十九棄路衢  
邠聞今秋旱性命當無餘祀龍誓往法擊鼓煩群巫  
躬躬百里雷奮自東南隅陰雲隨電合密雨應時須  
驅馳蒼黃際慘淡氣色蘇登樓注遠目百憂聊滌除  
銀浪徹平地玉繩迷太虛日月洗塵坌山川改焦枯  
法宮朝大舜冠珮皆鴻儒况當禮樂新百靈共持扶  
和氣自茲肇風雨安敢逾欲傳千歲音詠言愧蘼蕪

春日懷桐鄉舊遊



二年桐鄉邑乘春覽榮芳日日遶花樹與客傾壺觴  
况有清澗泉潺潺穿北墻容爲方廣池白虹卧危梁  
誰磨青銅鏡朗照紅粉粧唯恐浮雲來遮我逍遙場  
舞娥回皓雪笛叟鳴鳳凰醉則卧花下所惜徂春陽  
作詩數十篇素壁揮琳琅詔書徙幙府籠鳥無高翔  
却治歷川獄幽憂坐空堂有女殺其母逆氣凌穹蒼  
郡縣失實辭吏侮爭持贓辟刑固無赦何以來嘉祥  
高垣密閹禁但覺白日長茫然思舊遊今成參與商  
世網未能脫樂事安可常咄嗟勿重陳昏昏燈燭光

東望

歷陽望姑熟撫掌衣帶隔却瞻天門山落日一雙碧  
不如雲中鳥自在鼓兩翼冠裳漫羈紲髮綠今已白  
功名隨浮煙所得乃祿食天兵下安南獠穴湏滅跡  
騰山吼豺虎跨海轟霹靂殺氣暗南溟萬古一洗滌  
借令伏波在縮手定嘆息男兒逢此時弗往荷矛戟  
胡爲守文法銖銖校朝夕終當解官去大艦掛長席  
乘風卷雲濤載月奏玉笛不作凌煙人猶爲釣鼈客  
誰能對鄉關跬步歸未得

把鏡

念念遞遷謝新新來未停把鏡覽素髮不覺今年生

生世能幾何，燭長燭愈短。勸君杯中物，到手莫辭。  
滿陽春，繞爛熳花片，已飛舞紛如晴。後雪半作燕  
巢土，堯舜竟何在。楚漢空戰爭，勝負一日事。寂寥千  
載名，隱几聊自悲。悲竟復長嘯，真體元空無。誰與我  
同調。

望白紵山

隔江望白紵，葱蒼壓牛渚。却憶跨黃犢，渡橋溪東去。  
悠悠登此山，直待圓蟾午。汗漫丹湖水，萬頃浸天宇。  
北斗酌不乾，光燭反吞吐。諸峯若按几，白雲俯可取。  
覽景壯我懷，長謠念前古。傳聞柏將軍，致酒領歌舞。

雄風回秋霜，英聲散鼉鼓。寧知千載後，荒榛老狐鼠。  
男兒及時樂，一餉亦足許。前年翰林公，張唐公也絕頂構  
堂廡。我方客沅湘，盛事未能覩。及今佐肥幕，治獄歷  
陽府。注目聊獨吟，何時達庭戶。

合肥何公檜部使者楊公潛古命予賦之

合肥有老檜，得名自何公。何公何代人名，迹了莫窮。  
高枝偃羽蓋，低枝卧蒼龍。盤根徹厚地，踈影落寒空。  
荏苒九天碧，仍爲煙霧濛。相傳魏武帝，解甲休鐵騶。  
嘗坐此檜下，吞吳未成功。至今晦暝夕，往往揚英風。  
我公心好古，清標聳千峯。鑒賞揮巨筆，丹青孰爲工。

璨璨發明玉瑋瑋叩絲桐談笑走兵役垣墻密泥封  
拂拭枯折榦一助春氣融願回拔山力移植明光宮

懷平雲閣兼簡明惠大師仙公

跨空起高閣北望敬亭山白雲無根蒂舒卷隨風還  
或墮溪水上却縈松石間就之既明滅了然不可攀  
謝公賽雨詩千秋瀉潺潺李白弄月處寒光湛清灣  
神交自冥合髣髴眉睫間使我戀此境每來終日閑  
如何一揮手失勢落塵寰功業復未就但鷲鬚鬚斑  
滄浪不得濯執執長汗顏緬懷大道師焚香坐玄關  
悲心度群苦振錫鳴金鏗行當稟慈誨惠照開昏頑

和耿天隲見寄二首

熠熠陽氣動春事不可禦君家富林園宴豆樂賓主况當  
解官歸精魄還六腑或乘青板舡縱纜東溪澣溪光如碧玉  
皓月無人取信哉浴乎沂點也丘所與又聞全於天卓越莊  
周語我方治幽獄歸期日日數讀君新詩章對面若吳楚  
猛風卷長江驚湍勢莫禦虬龍玄噴薄陰怪豈無主扁舟  
未能往何以慰心腑想君東城居林花爛溪澣濁醪初撥  
醅豚鱗又新取論詩予素降泛愛君獨與一聞韶護奏卷  
舌欲無語却瞻項籍祠繪盃安足數悵然歌虞兮炎漢已得楚

對酒愛月示客

誰云月無私那知月有情我住月亦住君行月亦行  
致此一壺酒都忘千歲名骨中各有月莫遣暗雲生  
望牛渚有感三首

身滯歷陽浦心傾牛渚雲聖人開六合於此渡三軍  
霸氣掃無跡神功千載聞明朝有歸興石上洗塵紛  
遙憐牛渚磯柳帶拖春綠歸思無時闌斷絃聲自續  
更聽漁父吟悠揚寫心曲何日効斯人煙波洗雙足  
江迥偏留月山空不住雲遙怜李太白曾憶謝將軍  
帆影隨潮上樵聲隔岸聞柳花迷客眼三月雪紛紛

轂轂

轂轂復轂轂怪禽安用啼杏花已爛漫月色正相宜  
提壺取新酒酌我金屈卮行恐風雨來亂紅辭舊枝  
尚恨碧城鎖阻邀白雪如耳邊無清歌素飲方自怡  
尔何騁鳴聲彈射不肯飛初亦厭尔眈既久不復疑  
但能怖愚俗又足驚童兒天翁造尔軀無乃私自欺  
瓜叻異鷓鴣安能司禍機又不似群烏凶報吉亦隨  
白日竄深棘夜鳴殊不棲勸尔勿轂轂鳳凰倏來儀  
登歷陽城望凌歊臺

平昔登凌歊西望歷陽岸江空蘆葦闊日落煙霧散  
倏然別鄉國三載客唯旬賞心無復有離緒但紛亂



迺來治冤獄文字堆几按置之步城堞山川却對面  
崔嵬浮圖出巨筆插天半秀色凌丹青長毫蘸河漢  
翻思宋武帝此地嘗壯觀美人厭煩暑揮衣待霜霰  
流芳千歲間陵谷未云變碑陰杜牧題缺玉稍可辨  
歸魂招不得舊土常情戀時作梁甫吟清風忽吹斷

懷當塗石城寺

城東二十里寺有古石城過盡綠桑野還依流水行  
水窮山亦合老木一區平藪留虎豹跡巖多猿狖鳴  
樓殿橫澗陰像塑鈿黃剝庭中有高花碧葉抱丹甍  
不知何歲年春容鎮柔濯山僧亦虎眉發語頗真璞

却讀羅泰碑始知征戰場赤谷納箭血夜鬼嗥冷劊  
雲霧第黯黯英雄今則亡誰建大法宇救援弘津梁  
每來即忘還覽古恣吟眺公崖采菖蒲興發輒長嘯  
偶隨辟書起末路遂難料十年未能歸應爲山僧誚

昨遊寄徐子美學正

念昔未弱冠與君昆弟遊各懷經綸業壯氣凌陽秋  
知音得袁宰鑒賞稱琳瑯君家天地崩泣血城南陬  
釋服就鄉舉名姓必見收數爲禮部黜考命寧怨尤  
子山僅五十感疾遽不瘳子美如孤鴻哀鳴大江頭  
其聲最酸楚聞者皆涕流有才多困蒙此理不可求

我初佐星子老守如素仇避之拂衣去寓迹昭亭幽  
篇章自此富寫詠窮歡憂慈母待祿養復尉盩厔州  
隨辟宰環峯碌碌三歲周纔歸遭酷罰五體戕戈矛  
旦夕期殞滅餘生安敢偷粗能襄事畢寒餓妻覓羞  
復入湖外幕萬里浮扁舟幾葬江魚腹迺遭百端愁  
到官未三月開疆預叅謀招降五萬戶給田使鋤耨  
論功輒第一謗語達冕旒得邑敢自許斷木當沉溝  
兒女相繼死泣多昏兩眸脫去殊未能游鱗已吞鈎春  
風吹瘦頰黃塵蒙弊裘纔趨合肥府又鞠歷陽囚荒  
庭忘歲月忽見花枝柔清明動鄉思一水嗟滯留却

憶藏雲會凋盤薦珍羞高吟凌李杜猛飲哈阮劉野  
寺想如昨遊人今白頭倏忽三十年老大功名休日  
轂不暫止吾生信如漚有酒尚可醉餘事皆悠悠

送宋前之赴調

東岡送終畢北堂待榮養短筆跨羸驂西風吹祖帳玉  
盤堆餚縷金缸倒新釀勸君當勇去回首勿悽愴曾  
中五千卷立事須少壯揚名永不滅孝節乃可尚長  
安集紛華出處慎所向肯爲聲色惑一婢百金償不  
知粉黛蠹血氣速凋喪胡爲發斯言期子以將相

浪士歌 井序

郭子棄官合肥歸隱姑熟一吟一酌婆娑溪上自號  
曰醉吟先生居五年或者謂其未老可任以事薦于  
上上即召之復序於朝俾監閩汀郡尋攝守漳南上  
復召之行至半道閩使者狀其罪以聞遂下吏留于  
漳幾三年郭子一吟一酌逍遙乎一室之中未嘗有  
憂色又自号曰漳南浪士客或疑而問焉郭子曰士  
有可以憂有不足以憂者仰愧于天俯愧于人內愧  
于心此可以憂矣反是夫何憂之有作浪士歌以釋  
客問

江上浪如屋海中浪如山浪士乘浪舟兀兀在浪間

浪頭幾時息士心殊自閑死生生死尔浪歌聊破顏

戴氏鹿峯亭二首呈同遊

開亭面鹿峯白鹿每經過忽嚼落花去還來卧青莎  
仙者不可見孤峯但嵯峨踈篁映秀木好鳥鳴相和  
飛泉洒天窓六月涼氣多賓朋四五輩飲酒朱顏酡  
瓊琳粲明質芝朮芬長哦皆為廊廟器偶會林泉阿  
蟠溪與桐廬回旋竟如何却笑晉右軍弄筆憐白鵝  
未能騎黃鶴高飛出塵寰且來跨白鹿隱見蒼崖間  
誰為鹿峯亭名聞戴氏園仙者去已遠卷簾對青山  
秀木染深塢鳴泉掛危欄春風吹綠鬢皓月頽朱顏

賓朋合簪履昆季芬芝蘭黃鶴安足騎白鹿不須跨  
但願有濁酒長嘯此峯下醉醒醒復醉黃金任高價

陳安止遷居 三首

陳子勇於退退無十椽屋隣宗頗好事借宅竝瀟浪切  
山隩堂廡稍寬靜垣墻亦新築春渠漲朝雨涓涓漱  
寒玉呼兒種瓜果教僕洗松竹身雖在城郭志實寓  
磻谷誦持方廣經一食止蔬粟所喜遠羶腥佛事要  
清肅弗學陶長官持盃媚秋菊弗學屈大夫含悲葬  
魚腹唯慕金粟老不二常具足若許浪士遊時時跨  
黃犢

陳子貧無居東家借茅屋達士寧羞貧四方所居隩  
平臺荔陰下天匠資尔築青分一畦蘭綠種萬竿玉  
幸遭文明運志豈効孤竹又非遠人音欲以逃空谷  
脩然置藤榻示疾肖金粟呪飯施諸鬼夜半風肅肅  
嗟予在羅網未暇親杞菊憂愁無端來刀劍攬曾腹  
渺思泛滄浪期君濯雙足時或臨大野泥耕看健犢  
彼美隱官隱蒼林映深屋俗駕遠庭除佛像鎮堂隩  
蘭芷稍扶疎荆榛已鋤築沈思第一義修持若龍玉  
覺城開迷雲魔軍當破竹接人有餘地拔我出坑谷  
齋羞復招要甘香蒸黍粟永與羶葷辭既飽精神肅



石坐襯枯蒲茶甌泛新菊醍醐灌諸頂飢火滅空腹  
昔聞居士飯一鉢萬人足君若乘三車願爲車下犢

喜雨

陰雲海上來飄風亦隨至填空翻猛雨溢溜迸平地  
豈惟滋稼穡高視掃瘴癘群山各藏晦萬壑恣吞噬  
蚊蠅暫驅除草木起憔悴榕枝碧勝染荔子紅欲墜  
呼兒索杯盤四體襲涼氣豐年固有兆此雨信嘉瑞  
一人堯舜聖三公憂尚備陰陽茲調和樂飲真吾事

青山集卷第十四